



Universitätsbibliothek Paderborn

V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicacionem Pagina
Indicabit

V. P. Gasparis Druzbicki, Societatis Jesu, Jesus Passus Per Centuriam
Modorum Meditandi passionem Salvatoris nostri illustratus; cui
accesserunt Meditationes In Passionem Domini XLVI. - Juxta numerum
dierum Quadragesimæ

Druzbicki, Kaspar

Ingolstadii, 1732

VD18 90066405

Præfatio.

urn:nbn:de:hbz:466:1-45427

PRÆFATIO.

Non tantum causam vitandi fastidii, quod ex semper uniformi ratione modoque recogitandi Passionem Dominicam contrahi facile posset, verum etiam propter intimiorem arcanorum mysteriorum ejusdem Passionis cognitionem, & insuper propter uberiorem maximorum fructuum, ex ejusdem Passionis meditatione perceptionem, operam pretium mihi videtur fore, si varios Passionem Dominicam meditandi modos Lectori proposuero, quorum varietate cognita, atque gustata, fastidium quidem devitet, famem vero exacuatur, delectationem acquirat, interiora Passionis Christi facilius subintret, & denique quod relictum caput est, fructibus eximiis semper onustus proficiat, atque instar boni Patrisfamilias, de thesauro suo, nempe Dominica Passione, nova & vetera proferat. Cupio verò, ut Lector jam nunc intelligat, mihi propositum esse, explicare modos Passionem Dominicam recogitandi, meditandi, contemplandi, longiore quâdam morâ in eis mentem occupando. Nam illam instantaneam ac transitoriam Passionis Christi memoriam, circaque Jesum Passum, vel Patientem, animi, brevem, & subinde repetitam, interruptamque

Matt. 13. 50.

ac innovatam occupationem, qua devoti, perfectique viri, pro suo quisque, tum gradu, tum fervore, saluberrimè uti solent, hoc tempore ego pertractandam mihi non sumo. Deinde verò non Meditationes in Passionem describendos mihi statuo. Quanquam enim modis Paradigmata passim subjiciuntur, quæ etiam Meditationes sunt, hoc tamen nonnisi idèdè agitur, ut modis ipsis major quædam lux apponatur. Igitur ut propositum meum exequar, sit jam Tractationis initium.

MODUS I.

Passionem Dominicam meditandi.

Juxta rationem meditandi à Sancto Patre nostro IGNATIO traditam, & à nostræ Societatis hominibus usurpari solitam, assumantur ad meditandum singula mysteria Dominicæ Passionis, juxta contextum historiarum, ab Evangelistis descriptæ: in eisque debitâ devotâque diligentia, recogitentur. 1. quidem Personæ, v. g. Christi, Matris ejus, discipulorum, persecutorum, Patris æterni, Angelorum, Dæmonum, expendendo singularum Personarum conditiones: ex eaque expensione documenta eruendo, affectûs eliciendo, proposita concipiendo. 2. autem Personarum verba, seu verè seu probabiliter dicta, dicendave attendendo, atque ex eorum ponderatione, doctrinas, & affectûs, propositaque propriæ meditantis conditioni idonea eliciendo. 3. Demum operationes Personarum singularum considerando, factâque reflexione super proprium statum, ac modum vivendi, documenta